





58: LIX. 61

HONORI ET FE-
LICITATI NUPTIA-
RUM

PAULI HELVVICHII
Hohenst. Civis & Bibliopolæ VVitteberg.
Ornatissimi,

ET

MARIÆ PHILIPPI OLEARII,
Civis ibidem honestissimi Filiaë,
Virginis:

*Calendis Novembris celebratarum
VVittebergæ.*



Typis VVolfgangi Meisneri.

ANNO Christiano clō. lōc. viii.

59

12. 11. 17

HONORABLE
MAGISTRAT

KABINETT
MAGISTRAT

MARIA THERESIA
KABINETT





AD SPONSUM

Popularem.

Vota secunda facis; tua Vota secunda secundet
CHRISTUS, uti verè vota secunda sient.
Voti hæc summa boni; sed vos super addite plura
Quis plus est Otii plus genijq; sat est.

Joh. Försterus D. & PP. p. t. Acad.
Rector.

A L I U D.

Altor conjugij, sponsis, DEUS alme, faveto,
Confirmaq; novi numine jura thori:
Accende illorum felicia sidera cœptis,
Atq; rege, atq; auge prosperitate domum.
Christe, ut eras gratus Cananæis hospes in agris,
Miro dans sponsis dulcia vina modo:
Sicq; novis adsis, des dona simillima tædis,
Mutans in lætum tristia quæq; statum.
Nec non πνεῦμα DEI, castum quod cordibus ignem
Suggestis, efficiens velle duobus idem:

A 2

Adsis,

Adsis, inq; horum flammaram incendia corde,
Suscita, ut has tædas mutuus ardor alat.
Absint Eumenides, absit dissensio cordis,
Adsint pacis opes, adsit amoris opus:
Et velut unanimis, ceu bile alienus ab omni,
Vitam cum socio Turture Turtur agit:
Hæc sic sponsa suo sit sola adstricta marito,
Sic flagret sponsæ sponsus amore suæ.
Et ceu se patula vitis sustentat in ulmo,
Ulmus & impositum gestat amanter onus:
Sic suus uxori vir adhæreat, ipsa marito,
Suaviter alterius portet & alter onus.
Et sic Nestoreos placidè vivatur ad annos,
Sentiat & placidas tota propago vices.

*Jacobi Martini, p. t. Decani
Fac. Phil.*

A L I U D.

A T tu, (sit modus) inficetiorum
Chartarum sat habes tua taberna
Jucundissime Paule, nuptiali
Nostra ne sit opus tibi papyro.
Has ajo Volusi, Tanusijq;

Char-

Chartas, Artocreaq; & Vtricelli:
Quas Petroniades solutus inter
Nitendum legat, & releget, unde
Messes Assyriae exfulant opimæ.
Quæ si non tibi sunt sat, obtuenti
Olim Flavius ore quo solebat:
Quantum commoditatis hac papyri
Tam parvæ tenuisq; futilisq;
Quæso allegeris evolutione?

Adamus Th. Siberus Orat. P.

A L I U D.

*ERGO ad Vota secunda, PAULE, transis,
Postquam prima suum fidere pactum?*

Primum Carmine non-Professor olim

Recordor celebrare: nunc Professor

Secundum celebros; sed (ecce) valdè

Pauxillo: velut Euclionis heres,

Qui Lari sale tusculoque fecit.

Pauxillum, at tumidum calore Voti est:

Quod velit Deus aestimare magni.

Ut, quæ Vota paras secunda, PAULE,

Sic sint usque tuis secunda votis,

Ut sit nulla cupido TERTIORUM.

Frid. Taubmanus.

ALIUD

A 3

A L I U D.

Sic amat alternis vitam post funera, risum
Post lacrimas, post fel mel dare dulce DEUS.
Ereptam satis eluxti jam Paule maritam:
Nunc Sponsæ exulta lætus amore novæ.

Johannes VVanckelius.

A L I U D.

Vulnerat & sanat Dominus; *benè utrumq; ope-*
ratur.

Nam bonus & sapiens, qui benè cuncta facit.
Nonne ita, SPONSE? tibi nè Deus moriente maritâ
Infixit vulnus cordis ad usq; sinum?
Heu dolor! heu vulnus, vix tum sanabile visum:
Cordis enim vulnus vix medicamen habet.
Sed, (cœptum ô benè,) nunc rectû medicamen adeptus
Gaudes, & solvis debita vota DEO.
Gaudemus tecum, tecum celebramus JOVAM,
Optantes quævis prospera, Sponse, tibi.
Namq; tuum in thalamum ingreditur Sponsa,
optima Sponsa,
Optima erit veteris quæ medicina mali.
Huic vive, atq; DEO: sic votum explebitur horis
Omnibus omne tuum: Vive DEO atq; Tue.

M. Elias Ursinus, Delitianus.

A L I U D.

Quod quondam æmulus acrior MELISSI,
 Magni scilicet illius Melissi,
 TAUBMANUS Clariæ decus Catervæ,
 Qui Musas colit omnibus dearum
 Modis omnibus elegantiores;
 Immò quidquid & elegantiorum
 Elegantius elegantiarum est,
 SCHÜRERO brevibus metris vovebat:
 Hoc idem voveo brevi Phaleuco
 HELVVICHI, fator acrior librorum,
 Multorum fator immò liberorum.

Quidnam? *Conjugium precor Marito*
 Felix: Conjugium precor Maritæ
 Immò Conjugium precor MARIÆ
 Felix: auspicio bono ut Mariti
 Mutuis animis ament; amoris
 Prodant signaq; liberos, maritos
 Uti condecet esse conjugatos.

Hæc sunt, quæ volui, immò quæ valebam:
 Hæc sunt, quæ voluit vovere quondam
 TAUBMANUS Clariæ decus cohortis,
 Quiq; judice Phœbo & uniyersis

Phœbi

Phœbi Vatibus, in probâ Poësi
Vnus omnibus omnia est POETA.

M. Ioannes VVilkofer Ratisbonensis.

A L I U D.

SUnt aliquid nitidæ gemmæ, Nysæus Hydaspes
Quas exspuit; grana aurea
Tagi & purpurei; domus
Tænareis profunt suffultæ rite columnis;
Ornantq; lænæ murice
Ardentes Tyrio: vxor his
Sed præstat, cuius virtutum. magna caterva
Illustrium stipat latus;
Nimirum tenor optimæ
Sacratæ vitæ tetro sine crimine mores,
Probitas, modestia & pudor,
Ardescens & amor Dei.
Ergo cum tali & Sponsâ sis, Sponse, potitus;
Tremat tuum cor gaudio
Ingenti; & velut adsolet
Vlmum complecti vitis, Conchæ atq; cohærent
Juncto ore: fixa sic tua
Sint labris labra Sponsulæ.
A vestro thalamo discedat ad vltima Bactra
Erinnys, atrum toxicum
Castis mentibus inferens,
Ad Scythicos abeant fines nigra iurgia, & iræ;
Pax aurea & vestro advolet
Alis suavisonis toro.
Nec rabidæ quatiat sortis vos atra procella
Felicitationis comprecor
Vnquam de stabili gradu.
Vota mea hæcce ferant rapidi ne flamina Cauri
Vacuas in auras irrita,
Da, quæso, Deus optime.

Martinus Kirchofius Iessenus Saxo.

F I N I S.

Be 231

8

9h.

ULB Halle 3
002 690 756



5b.

VD77







55: LIX.

61

HONORI ET FELICITATI NUPTIARUM

PAULI HELVVICHII

Hohenst. Civis & Bibliopolæ VVitteberg. Ornatissimi,

ET

MARIÆ PHILIPPI OLEARII,

Civis ibidem honestissimi Filix, Virginis:

Calendis Novembris celebratarum VVittebergæ.



Typis VVolffgangi Meisneri.

ANNO Christiano clō. lōc. viii.

59

